

## Amodau Gyrrwr Hurio Preifat

### **DEDDF LLYWODRAETH LEOL (DARPARIAETHAU AMRYWIOL) 1976 - RHAN II TRWYDDED GYRRWR HURIO PREIFAT - AMODAU'R DRWYDDED**

1. Dylai gyrrwr bob amser gynnal 'safon uchel o wedd ac ymddygiad', rhoi cymorth gyda phaciau teithwyr, a chymryd pob cam rhesymol i sicrhau diogelwch teithwyr. (Dylai gyrrwr gael eithriad meddygol gan yr awdurdod trwyddedu os na allant gyflawni'r dyletswyddau uchod oherwydd rhesymau meddygol)
2. Ni ddylai gyrrwr chwarae radio / cerddoriaeth / neu ddyfais electronig yn y cerbyd fel ei fod yn ymyrryd â chysur teithwyr, a heb ganiatâd penodol yr huriwr, ni chaiff fwyta nac yfed yn y cerbyd.
3. Ni chaiff gyrrwr gludo nifer mwy o bobl na'r hyn a nodir yn Nhrwydded y cerbyd mae'n ddefnyddio, ar yr amod at y diben hwn y gellir cludo plant dan ddeg oed yn rhan gefn teithwyr yn y cerbyd.
4. Ni ellir cludo unrhyw blentyn dan ddeg oed, na mwy nag un person dros yr oed hwnnw, yn nhu blaen y cerbyd. Ni ddylai'r gyrrwr ganiatau i unrhyw un ar wahan i'r Huriwr deithio yn y cerbyd (ar wahan i hebryngwr contract ysgol) pan fydd wedi ei hurio, heb ganiatâd yr Huriwr.
5. Ymhen 48 awr o ddod o hyd i eiddo coll, rhaid i'r gyrrwr naill ai roi neu adrodd am yr eitem(au) i orsaf heddlu neu adrodd am yr eiddo coll trwy ddefnyddio systemau arlein neu ffôn yr Heddlu.
6. Pan gaiff gais, bydd y gyrrwr yn rhoi derbynneb ysgrifenedig i'r huriwr am y tâl a dalwyd.
7. Ni ddylai'r gyrrwr gludo unrhyw anifail ac eithrio pan fo'n cael ei gadw gan yr huriwr, ac yn yr achos hwn, rhaid cludo'r anifail yng nghefn y cerbyd.
8. Dylai'r gyrrwr ymdrechu bob amser i gyrraedd yn y brydlon ar yr amser a'r lle a nodwyd gan yr huriwr.
9. Ni ddylai gyrrwr fynnu gan yr huriwr swm uwch na'r hyn y cytunwyd arno rhwng yr huriwr a'r Gweithredwr. Os oes cloc tacsï wedi ei ffitio i'r cerbyd, a hwnnw'n cael ei ddefnyddio i bennu'r tâl, bydd y gyrrwr yn rhoi cyfle i'r huriwr archwilio'r tâl a ddangosir ar y cloc pan ddaw'r siwrne i ben.
10. Dylai deiliad y drwydded roi gwybod yn ysgrifenedig i'r Cyngor yn syth (neu beth bynnag ymhen 48 awr) os bydd yn destun unrhyw rai o'r isod:
  - Arestio neu ymchwiliad troseddol,
  - gwŷs,
  - cyhuddiad,
  - euogfarn,
  - rhybudd ffurfiol/syml
  - cosb sefydlog neu gwrs ymwybyddiaeth cyflymder,
  - gorchymyn llys troseddol,
  - gorchymyn ymddygiad troseddol neu waharddeb ymddygiad gwrthgymdeithasol,

- gorchymyn yn ymwneud â thrais domestig,
- rhybudd neu ymrwymo
- unrhyw fater cyfiawnder adferol, a dylai roi unrhyw wybodaeth bellach am yr amgylchiadau y gall y Cyngor fynnu.

Mae gofyn i bob deiliad trwydded hysbysu'r awdurdod cyhoeddi ymhen 48 awr am unrhyw arest a rhyddhau am unrhyw drosedd rywiol, unrhyw drosedd o anonestrwydd neu drais ac unrhyw drosedd foduro. Rhaid rhoi hysbysiad pellach i'r awdurdod trwyddedu ymhen 48 awr o unrhyw gyhuddiad ac unrhyw euogfarn. Gellir gweld methiant i ddatgelu arest y daw'r awdurdod cyhoeddi i wybod amdano wedyn fel ymddygiad sy'n codi cwestiwn am onestrwydd a thrwy hynny addasrwydd deiliad y drwydded, waeth beth fydd canlyniad yr ymchwiliad cychwynnol. Dylai gyrrwyr hysbysu'r Awdurdod Trwyddedu am unrhyw gyfweiliad gwirfoddol a gynhaliwyd gan yr Heddlu ymhen 48 awr.

Dylai gyrrwyr hysbysu'r Cyngor am unrhyw newid cyfeiriad ymhen 5 diwrnod gwaith.

11. Ni ddylai'r gyrrwr gael unrhyw gyswllt rhywiol na bod yn rhywiol amlwg, yn gorfforol na geiriol, tuag at y teithwyr maent yn eu cludo. Dylai'r gyrrwr bob amser sicrhau y gofelir am yr huriwr /teithiwr ac ni ddylai yn fwriadol eu rhoi mewn unrhyw sefyllfa a allai arwain at unrhyw berygl corfforol na moesol. Rhaid adrodd am unrhyw ymddygiad neu amgylchiadau amheus wrth awdurdod perthnasol, e.e., yr Heddlu, Gwasanaethau Plant neu swyddogion trwyddedu.
12. Ni ddylai Gyrrwr Hurio Preifat gymryd unrhyw ran yn y drefn archebu rhwng y cwsmer a'r Gweithredwr Hurio Preifat. Mae hyn yn cynnwys rhoi dyfais gyfathrebu i gwsmer, h.y., ffôn symudol, dyfais gyfrifiadurol fel y gallant archebu gyda'r Gweithredwr.
13. Dylai'r Gyrrwr Hurio Preifat weithio yn unig i'r Gweithredwr/wyr a restrwyd ar ei ffurflen gais. Os bydd yn newid Gweithredwr, dylai hysbysu'r Awdurdod Trwyddedu ymhen 5 diwrnod gwaith.
14. Unwaith i Yrrwr Hurio Preifat dderbyn tasg gan Weithredwr Hurio Preifat Trwyddedig, ni chaiff ganslo'r dasg onid oes ganddo/i esgus rhesymol \* neu fod y Gweithredwr Hurio Preifat yn dweud wrtho/i am wneud. Mae gofyn i'r gyrrwr hysbysu'r Gweithredwr Hurio Preifat am yr esgus rhesymol adeg canslo'r dasg.

\*byddai esgus rhesymol yn cynnwys ymddygiad y darpar-deithiwr, gan gynnwys teithiwr sydd yn sarhaus, hiliol, rhywiaethol, yn rhegi, yn fygythiol neu yn feddw dwll; mae hyn hefyd yn cynnwys cwsmeriaid sy'n gwrthod peidio â smygu neu fwyta/yfed neu sydd wedi chwydu drostynt eu hunain neu wedi baeddu eu hunain mewn ffyrdd eraill, neu lle mae pryder gwirioneddol y gall y teithiwr ddifrodi'r cerbyd.

15. Ymddygiad sy'n ymwneud â cheisio cael ei hurio neu sefyll i'w hurio yn anghyfreithlon
  - Dylai deiliad y drwydded sicrhau mai'r teithiwr/wyr sy'n dod i mewn i'r cerbyd yw'r person(au) cywir yr archebwyd y cerbyd ymlaen llaw ar ei gyfer/eu cyfer.

Rhaid i ddeiliad y drwydded gymryd rhagofalon yn erbyn ymddygiad y gellir ei ddehongli fel sefyll neu geisio cael ei hurio, trwy beidio â chynllunio nac aros heb dderbyn archeb:

- a) mewn lleoliadau lle mae llawer o bobl yn pasio/llefydd amlwg iawn
- b) y tu allan i gyrchfannau/busnesau prysur neu'n agos iawn at ddigwyddiadau

- c) ar flaen neu gefn rhesi a ddynodwyd i gerbydau hacni
- d) mewn grwpiau neu linellau sy'n ymddangos fel 'rhes'
- e) yn groes i orchmynton traffig y ffyrdd

16. Dylai deiliad y drwydded bob amser, wrth yrru cerbyd hurio preifat, wisgo'r bathodyn gyrrwr a roddwyd iddo/i gan y Cyngor fel ei fod i'w weld yn amlwg, a'i ddangos i unrhyw deithiwr/wyr os gofynnir am hynny.

Dylid dychwelyd y bathodyn yn syth i'r Cyngor os bydd Swyddog Awdurdodedig yn gwneud cais (h.y., os caiff y drwydded ei hatal, ei diddymu neu y daw'n annilys am ba bynnag reswm).

Rhaid i deiliad y drwydded wisgo unrhyw lanyard, clip neu declyn dal a roddir iddo/i gan y Cyngor.

17.

Rhaid i deiliad y drwydded hysbysu'r Cyngor am unrhyw ddiagnosis newydd neu newid i gyflwr meddygol cyfredol a all gyfyngu ar ei hawl i drwydded gyrrwr sy'n gofyn am safon feddygol Grŵp 2 y DVLA. Rhaid anfon hysbysiad at y Cyngor yn ysgrifenedig (neu beth bynnag ymhen 48 awr) o'r diagnosis perthnasol neu'r newid i gyflwr meddygol.

Rhaid i deiliad y drwydded ar unrhyw adeg (neu ar adegau y gall y Cyngor yn rhesymol fynnu) ddangos tystysgrif ar y ffurf a ragnodir gan y Cyngor wedi ei llofnodi gan Feddyg/Meddyg Ymgynghorol priodol sydd â mynediad at gofnodion meddygol llawn gyrrwr sydd yn datgan ei fod ef/hi yn neu yn parhau yn addas i fod yn yrrwr cerbyd hurio preifat.

## **Deddfwriaeth**

Dylai deiliad Trwydded Gyrrwr Hurio Preifat gydymffurfio â'r darpariaethau ynghylch cerbydau Hurio Preifat sydd yn y ddeddfwriaeth ganlynol:

- Deddf Cyfrifoldebau Heddluoedd Trefol 1847
- Rhan II Deddf Llywodraeth Leol (Darpariaethau Amrywiol) 1976
- Deddf Trafnidiaeth y Ffyrdd 1988 Rhan 11(a) Gwneuthuriad a Defnydd Cerbydau a Chyfarpar
- Deddf Cydraddoldeb 2010
- Deddf Iechyd 2006

